

BAKURUBASANNI


(nimore 12 songs)

Mali kono = Dōrōme 300

Afiriki kono = Dōrōme 600

Jamana were = Dōrōme 1000

Mekalo san 2000



Kunnafonisében bota kalo o kalo. BP: 24 Téléfoni : 21-21-04. Bozola Bamako-Mali. San 28nan boko 340nan A songo : dōrōme 15

San 2000 / 2001 ciké kunnafoniw

San 2000, mēkalo tile 22, Mali togodaw yiriwali minisiri Amédi Eli Madani Jalo ye san 2000/2001 ciké kunnafoniw lase mōgōw ma Segu dugu kono.


Kunnafonidila tan ni kō minnu tun b'a kēne kan, olu y'u ka jore jira koɔrisenē sinijesigi kan ani Mali bē se k'a jigi da cogo min na sisun kan a ka sōro yiriwali siratige la.

Min ye koɔrisenē lahalaya ye, minisiri Amédi Eli Madani Jalo k'a bēna pereperelatige di jama ma, n'o ye fangaso ka césiri ni timinandiya ye k'a jini ka dème don an ka jamana ka sōrbolo nafama in ma.

O dèmeeko kadara kono, koɔrisenē te taa minen minnu kō, fangaso ye caman b'olu wusuru la. Hake min bor'o la, o sera fōlō wusuru sarataw tilance ma. O kō, a ye do fara koɔri koloma sōngōkan koɔrisenēnaw bolo, k'o kilo kelen sōngōkē sefawari 32 ye. A y'a jira ko koɔri sōngō bē ka layelēn dōonin - dōonin dīne kono. Dōnnikelaw ka fōlō la, o bēna to senna fō ka san ban.

Minisiri ko n'o wale bor'a sira fē tōnōmaseginw bēna ke koɔrisenēnaw yesan 2001 kono. Ak'a mana ke cogo o cogo, koɔri be k'a sanga kōro sōro dōonin - dōonin. Minisiri Amédi Eli Madani Jalo ye mōgōw ladōnniya ko Mali koɔrisenē ciyakēda «SEMUDETE» binna ni sefawari miliyari 37 ye. O ye binda hake lakodōnnen ye sanni sēgesēgeli min bē senna ciyakēda in nafoloko kan, o ka ban san 2000, zuwēnkalo la.

A jirala ko nōgōndēmē ni bolodinōgōnma dōrōn de bē se ka



Minisiri Amédi Eli Madani Jalo

«SEMUDETE» bō dingē kono, fangaso ni koɔrisenēnaw ni «SEMUDETE» ni nōgōn ce. A dème nininen don koɔribaaralaw bēs fē. O hukumu kono, fangaso jenna sefawari miliyari 6 wusuru nafolo ko «SEMUDETE» yēre ye sefawari miliyari 9 bōciyakēda labaaralinafolo kasabi la. Min ye koɔrisenēnaw ye, olu fana jenna u ka dōfarankan tōnō sefawari miliyari 5 kō.

Césiri wale wērew nininan «SEMUDETE» fē, in'a fō: koɔri wurusi izini 4 sigilibaaraw lajoli Welesebugu, Kita, bila ani Kinparana, ka fara ciyakēda wērew ta kan.

Minisiri Amédi Eli Madani Jalo y'a da mōgōw hakili kan ko ni sēgesēgeli jaabiwy'a jira tugun ko gérēndē wēre ka ke «SEMUDETE» ciyakēda la, a

bē kē. A ye kunnafonidilaw ladōnniya ko fangaso bē ka fērēw tige koɔrisenēnaw sendonni na «SEMUDETE» labaarali la, k'u yēre niyōrō manankun don a baara dafē, walasa a tigiyā dō ka d'u ma. A jirala ko n'o hakilina sera ka waleya, koɔrisenēnaw na caman faamu «SEMUDETE» ka koɔrikō la.

Min ye sisun ye, minisiri Amédi Eli Madani Jalo k'alema minfaamu, sikō hake min bē feere dīne sefekē naani bēs la, o tilako 3 sigiyōrōma 2 bēs bē bō Mali kono. Nka, o n'a taa bēs, an ka jamana jatelen tē sikō jamanabaw fē. Mali lakodōnnen tē siko la dīne kono.

A jirala ko sisun minnu bē Mali kono, a ka ca fo ka se miliyōn 187 ma. O b'a jira ko si b'an bara. Walasa ka gofērenaman naniya jira sisunko dondalali la, togodaw yiriwali minisiri yērēkuntaara sisunturula Jado togoda musow ka foroba nako kono ani k'u bolomadēmē ni sefawari 10.000 ye. Jado ye dugu ye min bē kōndimini sira kan, n'a ni Segu ce ye kilo 27 ye. Ataar'a nēda fana sisungerefe sifileta 30 nōgōnna kan, kelen dōrōn sera ka wuli minnu cēna.

«IER» ninikela dō tun bē kēne kan, minyemōgōw bōkunfanna. Cikēbaara mōgō faamuyalen in, n'o ye Modibo Sidibe ye, o y'a jira ko sisungerefe sifileli nēna, bawo sisun 15 nōgōnna bēs tun bē ka wuli.

Nka sifileli in tun bē ka ke dugukolo min kan, dugucikēlaw bēs tun nēbōlen d'o yōrō fē, o de kōson u donna nako kono ka sisungerefew bēs tīne.

Sifileli in ye nininikelaw sewa, bawo a ye caman bo sisun denni waati kuntaala la. Folo, ni sisun tun wulila an ka kungo kono, a tun te den fo san 30 ni 40 kuntaala nogon kono. Nka sifileli y'a jira k'u bera sisun kura minnu turu, olu bera den u turuli san 7 ni 10 ce.

Okibaruya ka di malidenw bee tulo la, bawo nafa min be sikolo la, o te doonin ye, sanko balo ni furakeli siratige la. Minisiri yere y'a jira ko sikolo joyoro ka bon tasumadabaw furakeli la. Taalen nefe, Amedi Eli Madani Jalo ko an ka kungo kono jiri werew nenisifileli be ka ke, i n'a fo nsirasun. O siratige la, nsirasun do gerefara a buluw nen koso ani ka dowere sifile a denw nen kama. O sifileli kera cekoroba do fe, noye Seyidu Danbeleye. Nsira ninnu turuli te teme san 5 kan. U tono n'u nafaw boli waati ma se folo, nka cikebaara mogo faamuyalenw y'a sementiya ko nsiragerefe ninnu tona bonya ani ka janya an ka jamana nsirajubaw cogoya la, bawo musow na se k'u kari nogoya la, kundama bere bennen hake la.

Min ye cike nata ye, minisiri ko ninan samiy bera ne ka soro lawere. San 1999/2000 sumankise soreden hake jateminen k'a ke toni 2.951.633 ye, malofarama toni 809.557 be min na. Amedi Eli Madani Jalo ko nin soro nogon ka dogo. A be se ka sanga san 1994/1995 ta ma, n'o tun ye toni 2.548.000 ye.

San 1999/2000 sumankise soro lawerela ni 16 ye, kemesarada la, ka teme san min dar'a kan o ta kan. A hake cayara ni san 5 laban temenen sumankise soreden hake bere bennen ye, ni 28 ye, kemesarada la. O hake bere bennen ye toni 2.310.000 ye.

Min ye san 1999/2000 koori soro ye, minisiri ko n'an y'o sanga salon ta ma, o jiginna ni 11 ye, kemesarada la. Ninan koori hake soreden kera toni 460.630 ye, k'a soro salon ta tun ye toni 518.415 ye.

A y'a jira k'o sababu bora koorisw seneni waatiw nagamini na koorisenenaw bolo ani dugukolo nigin

kojugu.

Tiga soro labugunna ni 15 ye, kemesarada la ka teme salon ta kan. San 1999/2000 tiga soreden ye toni 175.000 ye, k'a soro salon ta tun ye toni 152.141 ye.

Ninan shokisse hake soreden ye toni 135.031 ye, k'a soro salon ta tun ye toni 129.181 ye.

Baloko la, Amedi Eli Madani Jalo ye jama ladonniya ko an ka dunta bee mana bo san 1999/2000 sumankise la, a to be to toni 228.000 ye, an be se ka min feere. A y'a jira k'an be don minna, i kobi, sumankise ye suguw labo, k'o de y'a ke songow jiginnen don. «Ni do ka ba ma faga, do ka na te diya». Balodunnaw nisondiyalen don, nka cikelaw sonjalen don, bawo olu wajibiyalen don k'u ka juruw bee sara, k'a soro songo tu ka senefenwna.

Minisiri k'u be ka feere dow dabali o geleyaw dagunni na, n'o dow ye sumankise lamarayorobaw labenniye cikelaw fe ani u jeli ka koperatifuw dilan. A y'a nini Mali sumankise jigeneba «OPAM» fe ani dije jamana horonyalenw ka tonba bolofara min jesinnen don baloko ma, n'o ye «PAM» ye, uka cikelaw ka sumankise feeretaw san u bolo da jenama la, walasa u ka segen kana k'u bolo sanjikorowosi ye.

Mali cikelaw ka minisiri Amedi Eli Madani Jalo y'a ka korofo kuncie ni kibaruya numan do ye, n'o ye cike yiriwali feere bolodalen dow waleyali la, hali a te meen.

A ko cikeminenkow ni sirakow ciyakeda «PNIR» bera sefawari miliyari 20 soro sooni, walasa a ka se k'aka baara kufolo damine san 2000, setanburukalo la fo ka taa se san 2005 ma. Min ye cike sinsinni ni cikelaw labenni jekulu ciyakeda «PASAOP» ye, min labaarali nafolo kasabi ye sefawari miliyari 52 ye, o ben'a ka baara damine san 2001/2002 cike waati.

Moriba Kulubali
Basiriki Ture

Sefawari dorome fila farala koori songo kan

«Semudete» ka geleyaw be ka koorisenenaw jore k'uhami, folimaniya bera tila u la. A jorekun ye koori songo binni ye senekelaw ka fen bee dulonnen don min na.

Fusirila nin hamidan na alamisadon, mekalo tile 11, san 2000. Nin don, benkan min be «semudete» ni fangaso ani senekelaw ce, baarako siratige la, o benkan sabatira nogonye senfe, min kera Juraw ka soba kono. Nogonye senfe, jekulu in ye yamaruyasaben do ta min be koorkise kilokelen ke sefawari 132 ye; a be tali ke sannifeere temennen in na. Dorome fila be far'a kan sannifeere nata in na, n'o ye 2000 - 2001 ye.

Jekulu in ya jira ko dije seleke naani na, ni yelema numan donna koorki la, a be do fara koorkise songo kan. Nafa min mana soro koori la songoko sira la, o nafa be tila koorisenenaw ni nogon ce; o wari be segin u ma san 2001.

O kofe, kabini zanwiyekalo tile folo, san 2000, ni «UEMOA» songokow sigira senkan, sen sabatili minenw tun yelenna, kemesarada la, k'a ta 6 la, ka ta bila 12 ni tila la, o b'i n'a fo kemesarada la, songow yelenna ni kemeye.

Walasa minen ninnu ladonbagaw jamana kono, in'a fo «semudete», olu ka geleyaw kana se senekelaw ma, goferenaman ye wusuru bin, min tun ka kan ka sara jamana kono yan, minenw ladonbagaw fe. O kera sababu ye ka songo geleya nagasi, kemesarada la ni 7,5 ye. Nka, o n'a taa bee, songow yelennentora unona, i n'a fu tun be cogo min na sanni «UEMOA» songow sigili ka ke. Mogow ka kan k'a faamu ko fangaso te se ka bee lajelen, ka wusuru dantigelen yelema. «UEMOA» ye farafina tilebinyanfan jekulu ye, min be warikow ni wusuruko sigi senkan, k'u ke benkan ye jamanaw ni nogon ce.

Badama Dukure

Mande Sidibe yamaruyara faso depite bulonba fe

Tile fila kumaw kuncera ni jamana minisirijemogo ka baara bolodalenw yamaruyaliye faso depite bulonba fe. Mogo 129 y'u kan di k'u sonna; mogo kelen ma soro min y'a bolo korota k'a ma son; mogo 7 y'u kur'u yerev kan; mogo kelen min y'a danma dantigeli ke, o ye politikiton PARENA ka ciden ye; ale y'a nin'a ka mogow fe k'u kan'u feta fo wale in kan. N'a bor'o la, politikiton tow bee lajelen, ADEMA, C.D.S, PDJ, MCCDR, fanga ni ton minnu te nogon kan fo bulonba kono ani BARA, ninnu bee lajelen y'u ka yamaruya di Mande Sidibe n'a ka goferenaman ma, u ka baara bolodalenw kan.

Nin ma bala mogo la, k'a sababu ke, sanni wotew ka ke, Mande Sidibe y'a jira k'ale ka baaraw ma dabo ko damadow jenaboli doron kama, waati inkono; i'n'a fo waati kunkurun min b'a bolo. A ko goferenaman ka hamiman kan ka ke waati kunkurunnin kow labenni ye; goferenaman ka kan ka feerew siriminnutii melib'e ke waatijan kono, i n'a fo wale kuntaalajanbaw. Ale n'a ka goferenaman ka baaraw te dowere ye baaraw ko minnu bolodara sariya fe, n'u tiimeli te bi ni sinikowy. A be san kelen bo bi jamana be ka geleyaba soro a ka sorofernw songoko la, i n'a fo taji, kocri, ani sanu. An be don min na i ko bi, a waajibiyara cogoyawka soronin konewla, walasa jamanadenw be se ka lafiya cogo min na, soro, hadamadenya, ani donko siratigew la.

Ohukumu kono, Mande Sidibe y'a jira ko kunko folo min be goferenaman na min ka kan ka jenabojona, o ye san 2002 kalatawy; o siratigela, Mande nalen fanga la, a ka wale folo kera politikiton ni hadamadenya sabatili mogo cesirilenw kuma nogonyaliye. Okunbenw y'a sabati ko bee hamieye kelen ye; bee lajelen b'a fe ka ye


kalataw kene kan san 2002.

O koso, goferenaman ka baara folo ye togosebenw ye; o be ke sababu ye ka sebenw laben, togow be minnu kan, ni bee lajelen bennen don u kan. Goferenaman b'a ke cogo bee la nin baarawka banson 2000 kono. Mande Sidibe y'a jira ko goferenaman ni depitew ka kan ka jekaf sabati u ni nogon ce sanga ni waati bee, ka fara politikitonw kan, walasa san 1997, awirilikalo tile 13 dusukasiw kana se fila. Togosebenw konew jatemiinen don san 2000 musaka dantigelenw kono; goferenaman ye baaraw bolodali damine.

Min ye fanga seginni ye so, depite

bila san 2000 musaka dantigelenw kono o kama. O kofe, wusuruw ka kan ka sara minnu be kominiw ka soro sabati; o temennen kofe, sefawari miliyon 600 ka kan ka don kominiw baarakelaw - kalanni dafe. Demebagaw ye sefawari miliyari 6 bo walasa ka ciyakeda kura jo, ani ka korelenw laben.

Fanga seginni sote ko kuntaalasurun ye; ko nogon te fana. Nka, n'an bee y'an fanga ke kelen ye, siga t'a la, a wale be sabati. O de koso, Mande Sidibe y'a jira ko kabini sisan, jamanadenw ka lafaamuya ka kominiw sigi, ka soro a ma ke kelle ni wojo ye. Min ye basigi sabatili ye



bulonba mogo m'o geleyaw dogo Mande Sidibe la. A yere sonna ko geleyaw be kominiw laba aralin' usigili la. Geleyaw be kominiw ka baarakelakola an' umusakakow. Nka, Mande Sidibe ka fo la, ni malidenw bee y'u bolodi nogon ma, fanga-seginni-so be sabati. Min ye goferenaman ta fanye, walasa komini kuraw be se ka baaraw damine, sefawari miliyari 2 kerenkrenna ka

jamana seleke naani na, Mande Sidibe y'a jira ko ye feneba ye Mali yere ka sabatiliko la, bawo beeje fanga sinsinnan don; o la fangadagayoro 14 minnu be tilebin fe, ani 14 minnu be koren fe, ciyakeminenw dir'olu bee ma, walasa soro dasiwa ka se ka to ka yaala-yaala nin yoro ninnu na jamana kono, u ka lakanni ni kolosili baara sira kan.

ne 4

(je 3nan to)

Sorodasiw ka baaraw bolodali fana be senna. A to tora ka musakakow jenini, k'u jenaboo. Nka sann'o ka se larime yere labenni kojew be ka ke. ciyakeminew bena d'u ma, walasa u kajamana kolozi. Walasa ka san 2002 kalataw n'a ntolatanba lakananlikow sabati, goferenaman ka kan ka polisi 1000 ani sandarama 1000 ta. An be don min na i ko bi, polisi 200 ni sandarama 700 talen don, minnu be kaalan na.

Min ye Mande Sidibe nisondiya kosebe, oyegoferenaman nibulonba benni ye kan kelen kan, lakoliko la, sanko a sininama. Mande Sidibe seginn'a kan k'a jira ko lakoli ka sinit'e se ka je, fo lakoli ka segin a korelen na. Jamana ka here b'o de la, nin damajira tile inna. Nka lakolit'a korelen na. Jamana ka here b'o de la, nin damajira tile inna. Nka lakolit'a korelen soro fo bee k'i jeniyoro fin, k'a ka fasodennumanya jira. Mande Sidibe kogeluya caman be kalanyerstaabolo la, ka fara minenkow kan. Nka, nin gelya caman be nogoya «PORODEC» fe, n'o ye ciyakeda kerenkerennen ye, min jesinnen don kalankow jenaboli ma, san 10 nataw kono, in'a fo «PORODEJ» be sariyako gelyaw ban cogo min na. «PORODEJ» fana ye baarada kerenkerennen ye, min jesinnen don sariyako gelyaw nogoyalma san 10 nataw kono. Mande Sidibe y'a jira k'an kana nine ko Mali ye faantan jamana ye. Nka, o n'a taa be, n'i ye kemesigi ke, antaara je ni 5 hak'e ye, k'o sababu ke jamana yere ka beremabaaraw ye, san duuru temenenw kono. A y'a jira k'an be se ka noba bo, n'an ye yelembolo don an ka sorokow la, ani k'an janto an yere la dije selike naani fenw songow binkawuliw la. Okoson, Mande Sidibe y'a sinsin kosebe bololabaaraw ni izinikow kan, kenyereye ni foroba kunda.



Minisiri nemogo Mande Sidibe

Nin walew de b'an deme ka soro ke, walasa ka do don da do fe k'o yiriwa. Bankikow ka kan ka saniya, ka ciyakedadfeereli lateliya kenyereyew ma, ka lenpoko sabati. O siratige la, jenininiw be senna sisan, min be bolifen korew ka duwaniko musakaw nogoya walasa fangaso ka se ka caman far'a ka soro kan.

Min ye senekowy, Mande Sidibeye layidu ta k'a bena dugukolo taari 30.000 labenni lateliya, goferenaman tun ye min boloda san 1997 ni san 2002 furance kono ka fara «semudete» warikow jenaboli kan. Okofe, goferenaman ni «HUICOMA» be ka joggon kumajoggonya sifeereliko la. «HUICOMA» ye ciyakeda ye min jesinnen don kooritulu jagoli ma. Nin baaraw si te taa jamana yere lawereli ko; o koson, Mande Sidibe y'a jira bulonba mogow la ko fangaso ye baaraba damine ka sirabaw dilan, walasa ka jamana yoro kala joggon na kopuman, ka bee bo kelennasigi la.

Siraba camankojew jeninni baaraw banna. Caman be ka dilan nin waati

in na, i n'a fo Sahara siraba; caman ker'o la ka ban. Siraba kunkurun dow jeninini be senna; demebaga dow, i n'a fo «BID» y'a kan di musakako la. Yoro labenni, denmisew ka baarakow ani bololabaara dondalali, ninnu bee ye fenw ye, goferenaman ka kan k'a cesiri minnu fe, walasa hadamadenw hakili be se ka sigi jamana kono cogo min na.

O siratige la, goferenaman nemogo ye layidu ta ko deme bena ke mogow ye, minnu genna ka bo ciyakedadaw la, i n'a fo ji ni kur'an ciyakeda. Min ye ji ni kur'an ciyakeda ye, goferenaman k'a b'o deme ka ji ni kur'an di mogow ma, sanni yoro in ka feere, ani Manantali yeelen ka soro, san 2001, awirilikalo la. Walasa ka Manantali yeelen lase yan, goferenaman ka kan ka sefawari miliyari 5 bo.

An be don min na i ko bi, sefawari miliyari 2 ani miliyon 600 doron de soro. Nka Koweti waribonda yelayidu ta k'a b'o to sara.

Jiko ta fan na, Mande Sidibe y'a jira bulonba mogowla, ko sann'a ka sarati ka dafa, a be jisoroyoro 4330 sabati jamana kono.

Min ye kunnafonikow ye, Mande Sidibe janiya ye ka jabaranin lase jamana seleke naani bee la. K'a sababu ke musakakow ye, a ye faamuya nini bulonba mogow fe, walasa kow ka doonin-doonin. Sanni san 2000, setanburukalo ka se, yoro 12 bena jabaranin soro. Farikolojenaje siratige la, Mande Sidibe y'a jira ko cemance kalanso bena jo Kati, k'a jesin farikolojenaje ma; o kofe, a ko goferenaman jigidalen don san 2002 Afirik intolatanba kan kosebe. Walasa wale in be se ka sira soro, ko bee k'i fanga ke kelen ye. A ka korofo laban na, minisirinemogo Mande Sidibe y'a jira ko Mali ka sinjesisi ntulomaw ye jekafni jekabaara ni kotojogontala ye.

Bakari Kulubali
Badama Dukure

Depiteso ka naniyajira jamana togodaw baaraw kan

Tuma min na depitew y'u ka yamaruya di Mande Sidibe ma, a ka baara bolodalenw kan, u seginna baara kōrōw ma, n'olu ye gofrenaman ka baaraw fesefeseli ye. O hukumu kōnō, baaraw be laje ji nemajolen na, i n'a fō porozew ani baara kofolenw.

Kōlosili min kera, o ye ko depitew ka naniya ye ka jamana labennibaaraw fesefess kosebe; o siratige la, u ni gofrenaman ka kuma fōlenw bē nōgōn ta. Kuma ninnu sens, mogō caman da sera dugukolo 30.000 labennikōnewma. Alamisadon, san 2000, sogomada kuma bee lajelen bolila Sheki Amadu Tijani Danbele ka kōrōfow kan. Ale da sera Bila izini baaraw joli ma, n'o ye «Sēmudete» ka izini ye, ani sariya min tara kabini san 1999, setanburukalo tile 29, n'o ye sariyasēben nimōrō 99 038 PRM, ye. O sariyasēben y'a jira ko Keri dugu kōnō, zuluyekalo tile 15, san 1999, Mali ni «BADEA», n'o ye larabuw kā waribonda dō ye, olu y'u bolono bila sēben na, min tun bē Sawune falaba labenni kan, baara suguya caman ka kan ka kē yōrōmin na. K'a sababu kē gelya caman ye, «Sēmudete» fana tun y'a ka baara dōw lajo,

i n'a fō Welesebugu, Kita, Bila, ani Kenparana iziniw baaraw. Depite Sheki Amadu Tijani Danbele ye gofrenaman hakilijigin nin kōnew la, sanko Bila ta, «Satom» tun ye baaraw damine yōrō min na ka ban. Minisiri Eli Madani Jalo y'a jira ko Bila baaraw joli ma kē gofrenaman feko ye k'a sababu kē caman tun kera ka ban. Walasa, a ko kana ke nimisako ye, gofrenaman tun y'a jira ko baara tonin ka laban. Min ye yōrōtowye, siga t'ala, obaarawtē se ka laban ni yelema ma don jamana ka sōrōko la. Eli Madani y'a jira k'a ma d'a la ni baara ninnu bē kē.

O kōfē, depite in y'a jira ko «Sēmudete» ka kow ye dabalibān

kow ye, sabu san 1998, «Sēmudete» ye gintanw kē ko sōrōba kera; o sun'a duguje, gelyaw y'o baarada sōrō. Eli Madani ko tige don. O yere de kōson, kow bē ka nējini; baara kūnfōlōw jaabi sōrōla arabadon. A ko bēe bēna sidon zuwenkalo la, n'Ala sonna.

Nin temenen kōfē, Eli Madani Jalo ye depitew kuma nōgōnya porozeba dō kan, n'o ye Sawune falaba labenni ye. Sawune bē Dire fan fe, jamana marayōrō 6 nan na. Sēben min tun kofora, o ye jurutasebēn ye min tara Keri dugu kōnō, san 1999, zuluyekalo tile 15. A wari bē bēn sefawari miliyari 3 ani miliyon 300 ma. Mali ka bota ye sefawari miliyari 1 ani dōonin ye. Juru in bē sara san 18 hake kōnō; san o sankemesarada la, 3 bētigē ka b'ala. A bē se ka kē san duuru bē yelen juru in sarali kōnew kan. Dugukolo taari 400 labenni baaraw daminenā. O kadara kōnō taari kelen bēna di mogō kelen ma.

O baaraw nēsinnen don ji walankatayōrōba dō labenni ma, walasa ka ji lasama ka se cikēyōrōw la, anisira misenw dilanni, animinenw nicikēkotaabolo sabatili minencaman werew, i n'a fō nōgōw n'u nōgōnnaw. O baaraw bēna wolo fen caman na, i n'a fō sumantōni 41.000 ani malo tōni 3600, anijaba ni pōmutes tōni 400 ka fara baganmara kan.

Eli Madani Jalo y'a jira ko Sawune falaba labenni bēna kē sababu ye ka bōnogōla ni lafiya sabati Dire mara in kōnō. Depitew y'a jira ko poroz camankotē sēbeko ye, sabu «suruku sogo fila gen», dō bē taa k'i dan. Nka, u y'u ka yamaruya di Eli Madani Jalo ma. Eli Madani temenen kō, Madamu Ture Alima Tarawele y'a madon n'a ka porozew ye, i n'a fō pankurunkow. O sariyasēben ye san 1999, utikalo tile 19 sariyasēben ye, min nimōrō ye 99 022 PRM ye. O ye bēnkansēben ye Mali ni Lagine ce.

Alayi Lamu
Badama Dukure

«CEDEAO» TAAMASEBENKO

«CEDEAO» ye jekulu ye min bē farafinna tilebinyanfan jamanaw fara nōgōn kan sōrōko fan na.

O jamanaw ce taama te se ka kē fon ni yamaruyasēben bē yen min bē jamanaw mogōw kē kelen ye. O ye taamasēben ye, n'uk'a ma «pasipōri». Nka, sanni kōnew ka sabati, sēben dō tun bē yen, min tun bē jamanā kelen-kelen bēs bolo, n'o ye «karinē di wayazi» ye. «Pasipōri» kura in fura hake bē bēn 32 ma; a nēcilen don. Jamana kelen-kelen bēs yamaruyalen don ka «pasipōri» in laben. Fura suguya min ka d'iye, ib'a laben o kan.

«Pasipōri» kura in dabōra jamanaw kalali kama nōgōn na. A kōnew bē damine, mēkalo tile 28, san 2000. O b'a sōrō jamanaw y'u ka lajeba kē, Abuja, Nizeriya jamana kan. «Pasipōri» kura ye «CEDEAO» jamanaden kuraw ka «pasipōri» ye. Abetangada jamanaden kelen-kelen bēs kan. «Pasipōri» in bē laje mansin dō la n'o ye «MRP» ye. «Pasipōri» ni «karinē di wayazi» bē je ka lataama nōgōnfē, fō ka se waati hake dō ma, min bēna dantigē jamana kelen-kelen bēs fe.

Nin yamaruya baaraw bēs tara jumadon mēkalo tile 12, san 2000. A kōne bēs lajelentiimena jekulu nēmōgō fe min bē «CEDEAO» jekulu kōne nafamabaw nēnabō. Nka, «pasipōriko» in t'a bēs ye. Jemukan bolila basigi kan, jamanaw dancew la. Wari lakañani, ani jekulu dō sigili senkan o kōne kama.

Base Jara
Badama Dukure

Fulake ni bamananke ka tiganinkuruko

Bima fulaw bil'u ka fulafeerew la, nk'a si te n'u bolo. O misali do file nin ye. Nin kera fulake do ye ani bamananke do. U ce fila tun ye terimawye. Don do la, u taara bo fulake buranna na. U taara a soro buranmuso yere b'a la ka tiganinkuru balabalalen bo daga kono. Folw bannen ko, buranmuso nana tiganinkuru caman d'u ma, ka soro ka taa ci do la, o ko ka segin.

N balimaw, aw b'a don fulake ye min ke, walasa a ka fa tiganinkuru la, ka soro a ma malo a buranna na wa ? Ale y'a ta ke, n'a ye min dun, a b'o fara fili a terike koro, n'o ye bamananke ye. A y'a jatemeine ko ni fara ma y'a koro, a tene don k'a ye fen !

Terike ma fen fo, fo ka buranmuso na. Onalen ye nininkali ke : « Ee ! o tuma fulake ma tiganinkuru dun wa ? Walima kongo t'a la de ! »

Sanni fulake ka kuma, terike konn'a ma ni kuma ye. « N' y'a f'a ye k'a n'a fara te dun; nk'a ma d'ola, sabu kongo min b'a la, o te doonin ye ! A hakili la ko n'a m'a teliya, ko ne b'a bee dun k'a to ».

Maloya ye fulake bali kuma la. A ma se ka kuma tugun; a kun birilen tora ten, hal'a m'a don a bena bo buranmuso ka so cogo min.

Basiru Fonba
Jele - Warala - Beleko.

SELIBA TEMENEN MA DIYA KOBALAKAW LA

Seliba temenen kera geleyaba ye Kobala dugu bolo, bawo bana do donna dugu kono, min juguyara kosebe.

Bana in tun ye kunkolodimi ni disidimi, ani sogo sogo ye; bana saba in bee tun be mogo minje nognfe. A in tun ka jugu kosebe, nka mogo si ni ma t'a la, Ala ni dogotoro sababu. Ale ye bana in fura ke k'a ban pewu.

Lazeni Togola
Kobala - Banko - Joyila

Tasuma tijelinow

Ne ye ko kelen kolesi. Mog do be yaala kungo kono, ka tasuma don kungo la anw bara. O mogow je tana ye binkene ye kungo kono. An be waati min na sisan, n'i ye tasuma don bin na, a be tijeli naani de ke : bin jenini, jiriwjenini, baganw kongoli, ani dugukolo yere tijeli. N balimaw, a te sabali doonin !

Soyibajan Jara
Kodumadala - Nonko.

Sebesun nafa

Jiriju do b'anw ka kungokolon kono; a togo ye ko sebe. Mali kono bi, mogo min be sebe don, o mogo man ca. Nafa min be sebe la, a te se ka fo ka ban. Sebeju minnu b'an ka dugu kungokolon kono, sisan, mogow be ka don kungokolon kono, k'o sebejuw n'u denw tige ka bin duguma gansan. Nafa min be sebe la, ni mogo min b'a don, i te son k'a tige.

Ni sebe falenna, a be san caman ke ka soro a ma den. O tuma, mogo min be sebeju n'a denw tige ka bin duguma, o ye kojugu ye sa de ! O la, neba ninijirijutigelaw fe, a kera sebeju ye o, a kera jiriju were ye o, u k'u jija ka kungokolon jirijutige dabila bawo nafa te jirijutige la.

Basiru Kulubali
Balikukalankaramogo Sananko
Negela - Kati

Senekelaw te jate

N'i ye jatemeine ke Mali kono, i b'a soro senekelaw te ka jate. O bee ko, faamaw b'a fo ko senekelaw ye jamana josen do ye. N'i ye sannifew laje bi, do farala fen bee songo kan fo senekelaw ka fenw. Olu sima songo soro ninan, i'n'a fo tiga ni koori. Tin edon, koori songo binna jamana werew la; o te Mali kelen kunko ye. Nka koorkolo songo yeleni, an ma se k'o faamu. Bi, bi in na, koorkolo b're kelen songo be taa sefawari 850 la. O ye geleyaba ye senekelaw bolo.

Andere Kane
Tilelaji - Kolokani

Kuma koroma jaabi

Nin jaabi be kuma koroma kan min be kibaru boko 332nan kono min sebenna Siramadi Tarawelefe Kita. Konohake min be jiri kan o ye kono 40 de ye sabu : $40+40+20=100$. 40 folo ye kono hake ye (40 ani 20) olu kono nogn ni tila ye. Nka foli b'i n'i ka balikukalandenw bee ye. Nin ye an balimake Maman Keyita ye ka bo Sitatumu Kita ka ciseben jaabi ye min bora kibaru boko 334nan kono. N balimake ma fosi seben ni tige te. Bamananw ko : « dimin te taa muju ko ». A ko in geleyara kosebe. Ne be a jini kibaru dilanbagaw fe, u k'i ka ciseben bo kibaru nimoro 12 bee kono. Ka kibaru in do di Fangabulon kuntigi ma n'o ye (I.B.K ye) ani cikelaw togo minisiri ma n'o ye Modibo Tarawele ye.

Nin fana y'an balimake Yaya Mariko, ka bo Kalabankoro Bamako, ka ciseben min be kibaru boko 334nan kono, o semantiyalan ye. Ne balimake Yaya, i ka kolosili in ye fasoden numaya de ye. Ni bamanankan te jate la Bamako kono, o fije be an ka fangabulon de la sabu fangabulon de be jamana ka taabolo bee dantig. Fangabulony'a nesin fencaman na minnu nafa te balikukan bo. Bamako falen don jirimaaninw na minnu nafa ka dogobi Mali ma. Don o don ub'a fo arajow la ko : Sodon, jiridon, yeredon de nogn te. Bamako dugu kono, an ka kanw kalanbagaw ka dogon kosebe de ! Bamako de ye kow bee n'enabo yoro ye. An ka Malikanw dun te jate la Bamako kono. O koro ko « an solila nka an te taamana » Mali nesogow, Mali fangabulon mogow, an k'an nesin an ka kanw kalanni ma. An ka walikanw bila walikan ye walifen de ye, an ta te, an te se ka yiriwa walifen kan cogosi de la.

Bone be mogo ye min jigidalen be walifen kan. Walife diya o diya, a te i yere ta bo. N'an sonna ka an ka kanw don da la, ka baaraw ke n'u ye ani u kan, nansara dunnan minnu mana se an fe Mali kono, u be an ka kanw dege walasa u magow ka ne sabu anw de ka ca ni dunnanw ye. Ni nansaraw nana an fe, an k'an ban ka kuma nansarakan na, diyagoya u na bamanankan dege walasa u magow ka ne. Ne ka foli be an ka kanw kanubagaw bee ye.

Burama Sidibe ka bo
Sirakorola - Kulukoro mara

Turelaka dō ni Buwarelaka dō ka maana


Nin kera ce fila ye. Kelen tōgo ko Musafa Ture; to kelen tōgo ko Sajo Buware muso tun be ce fila in bēe kun. U fila tun be dugu kelen kōnō. Musafa Ture tun ye faliagola ye; sanga ni waati bēe, ale tun be faliw san dugu dōw la, ka t'u feere dugu wērewla. Sajotuntētaa yōrosila. Nka dugu bēe kōnō, mōgō si tun te Sajo bo bonkolonfō la. Dugu wēre mōgōw tun be na Sajo nōfē ka taa jēnajēw la. Do wēre man di musow ye o mōgō sugu kō.

Ala nan'a kē, Musafa muso ni Sajo nana jōgon kan sōrō; u fila jarabira jōgon na, k'o kē kanu dumanba ye. U be ka kanu in kē cogo di ? Jaa ni Musafa tun k'a muso ma k'ale be taa falifeere la sugu la, sini, muso be t'a fo Sajo ye ko sokōnōna fērelēn don bi. O tuma, su mana ko, Sajo be na muso nōfē; u be si jōgonfē fo ka dugu je. U tora nin na fo mōgōw bōr'u kalama. Okelen, dōw y'a fo Musafa ye, ko Sajo n'a muso be jōgonfē; ko n'a taara dugula, fo k'a segin, Sajo be sia muso fe.

O kelen, Musafa ye tile 15 taama boloda, k'o fo muso ye, ka sōrō ka taa. Muso wulila ka t'o fo Sajo ye, ko sokōnōna fērelēn don bi. Ala y'a kē Musafa ma taa yōrō si; a taar'a dogo dugu fan wēre fe. Fitirida fe, a y'a den ka na don so kōnō. Kabini Musafa donn'a ka so kōnō, n'a muso ne dar'a kan, muso kunkolo y'a dimi. Kunkolodimi juguyara, ka juguya. Saafotuma muso faatura.

Muso faatulen, Musafa ye sange siri muso kun na, ka sōrō ka t'a fo a fa ye k'a muso faatura. Sanni Musafa ka segin, Sajo nana don muso kan so kōnō, ka muso wele. Muso ma kuma. A ko su ma taa yōrō si folo, o y'e sunogolenye. K'a t'o kuma na Musafa seginna; a natō be k'a muso in tōgo wele, k'a ka ya'ale ma, «E taara ka ne ni denmisenninw to yan bi; e ye ne to kunpan na bi».

Musafa be ka nin kumaw fo ka na, fo



Basiru Kulubali

ka se da la. A tun be Sajo kōnō ko muso in be sunogō la. Nka, kabin'a ye nin kumaw men k'a to so kōnō, muso kērefē, a y'a dōn sa ko muso in salen don. O tuma, Sajo y'i mōntōn pewu, k'i pan, k'a be bōda fe, a ferekera sangela, ka t'a bin. A wulila; min na o y'a sōrō Musafa ye Sajo ni sange panto ye tuma min na, a k'er'a kōnō ko muso su wulila; ale fana y'ida Sajobolitōnōkan. U fila y'a da jōgon kun. Sajo b'a yērē nini. Musafa fana b'a yērē nini. Hali sini, u fila be taa, u ma segin. Muso jēnaja kera u ce fila kō. Hali sini u ce fila be boli la ka taa. Nin tun ye Turelakaw ni Buwarelakaw ka maana dō ye. Wa nin ye tijē yērē-yērē de ye, a bēe kera ne yērē jēna.

**Basiru Kulubali
Joro Bamanan Segu**

MURASOGOSOGO

Ne taara Bamako mēkalo karidon do fe, ka segin kalo tile 25, san 2000. K'a ta ñamina, ka t'a bila Bamako, dugu fēno fēn besirabada la, murasogosogo tun b'a mōgō caman na.

Ne bora Konsofon, ka taa Sirakolola; ka bō yen ka taa Kulukōrō, ka bō yen ka taa Bamako, murasogosogo b'a mōgō caman na.

Ne ye mōgō dōw jininka, u ko san o san ye nin sōgoso go ye. N b'a jini dōgōtōrōw fe, u ka jējini Mali banako la. Bana suguya caman be Mali kōnō sisan. Bana dō be yen, u be min wele ko «menenziti», o be Bamako sisan. Don o don, Mali faamaw ko ka kanjabana kēle. O ko dun be cogo di?

**Amari Fonba Animateri
Konsofon - ñamina**

Lawalelakow ka kan ka dōn

Halibi, nb'a jini «kibaru» ni «Arajo fe, u k'u hakili to Mande kokorōw la; walasa, an be se ka kunnafoni sōrō, sabu, an ye DAMONZON, Kore dugakōrō, ani Alimami Samou n'u jōgōnnaw ka gafew ye, k'u kalan.

O kōfē, bēe b'a dōn walijuw ni kēlemansa dama minnu temena Mande kōnō; o de ka can! A la ni «kibaru» ani Arajo sababu, an ka kanw barika ka bon. N'i ya jateminébi, o kan ka dōgō Mali kōnō, min te sēben, walima k'a kalan. O de b'a jira ko kunnafonigafe min be bō kalo o kalo, a be sōrō, k'a kalan, sanga ni waati bēe, sēnekēlaw fe.

**Yaya Mariko
Kalaban kōrō Bamako**

Furako

Furako, fo bōra sa
Furako musakaw
Poyi, fura bajaga
Fura, finiw, sabaraw
Poyi, furamusakako
Ee nbalemaw, a te sabali dōonin
Poyi, sukaro bōrē
Makōrōni bōrē
Ku bōrē, malo bōrē
Safune kariton, jafilēw
Pomatiw, kalew, aforow
Poyi, fo nōra sa
Furamusakako
Nbalemaw, a te hakili sōrō dōonin
A ka sho jigin ni ji to ye !

**Soyibajan Jara
Kōdumadala - Nōnkō- kōlōkani**

Kōbala

Kōbala sigilen don badawolo la; a ni ba ce ye kilometrē saba ye. Misitemensiraba don, ka bō Segu jamana kan fo Kodiwari. Kōbala sigili nin sira kan, o kera geleyaba ye dugu bolo, bawo misiw be tunun tuma bēe. O kōfē misibana cayara kojugu; o kera hadamadenw bolo degun ye, ka fara bagandumuni dēsēli kan.

**Lazeni Togola
Kōbala-Banko-Joyila**

Mali arajosow ka ca nka baarakela faamuyalenko b'u bëe la

San 1999 nowanburukalo tile 25 n'a tile 27 furancé kónó, Afiriki arajosow, n'o ye foroba kunda ani kenyereye kunda arajosow ye, minnu bë wele ko arajo «piriwew», olu kuntigiw y'u ka kunben filanan gintanw ke Bamako. O kunben senfe, arajo piriwew be cogo min na, u bë bolo min kan, joyoró min b'u la, nogoya ni gelyea minnu b'u kan jamana kelen kelen bëe kónó, olu bëe dantigera, walasa hakilifalen siratige la, u ka nogon bilasira; ka bë nogon kalama, ka minecogo sor' u ka baara la. O cogo la, a sabatira ko gelyea minnu b'a jamana dòw arajoso caman kan, o ye wariko gelyea ni minenku gelyea faralen ye baarakela faamuyalenko gelyea kan. Jamana minnu b'o bolo kan, Mali b'olu la cogomin na, oka jugu n'a bëe ye. O de kama, Mali arajosoko kuma kuntaala janyara, k'o sababu k'a arajosow cayali kojugu ye, ka soro fen bëe ntanya b'u bëe la. O siratige la, a jirala ko arajoso 122 de bëe Malikónó, ka soro Maliden minnu sigilen bë jamana kónó, olu bëe lajelen hake ye mögo miliyon 8 ye. O koro ye ko n'i ye arajosow tila Malidenw ni nogon ce, mögo 65.000 niyöröbe bënarajoso kelen ma. O temenen kó, a jirala ko arajoso 17 de bëe Bamako dugu dörön kónó, min kónomögow ka ca ni mögo miliyon kelen ye. Walasa ka Mali arajosow hake dantemeni jira, misali tara jamana filakan, n'o ye Senegali ye, arajoso 8 bë min kónó ani Kodiwari, arajoso 30 bë min kónó. Kenyereyew yamaruyali k'u togola arajosow dayelé, usagona yorow la, o daminená Mali kónó san 1992 la.

A daminená Sénegali san 1994 la, k'a damine Kodiwari san 1998 la. A kóne w jateminelaw y'a jira ko Mali arajosow cayali kojugu sababu t'a arajo «piriweko» damineli ye Mali fólo kónó, k'a sababu ye demokarasi faamuya jugu de ye, min ye mögo dòw bila girin na, ka kunnafonisebenw dilan, wali ka arajosow dayelé, ko demokarasi tile bora, mögo te siran mögo ne tugun, mögo t'a kan majigin mögo ye tugun, mögo te se ka mögo bali k'a hakilinataw fo fasoko la. O mögo minnu ye demokarasiko faamuya a nejugu kan, n'u y'u sinsin arajoko kan, ka jamanadenw bila u nidungó kumaw foli la, olu de y'u ka arajosow dayelé ka sor'u m'a musakakow n'a baarakela faamuyalenkow jatemine ke. Ogeleyaw bë arajotigi minnu kan, n'u t'u bocogo don a segenw na, olu caman t'a baara nedonbagaw ye, minnu faamuyalenb'a la, n'u y'a kalan ke. Olu caman ye warinininaw, tögünininaw wali politikimögow ye. O y'a arajosoko ke sangawuliko ni fadenyako ye jamana duguw bëe kónó, f'a sigili se te minnu ye, olu ye jamana kónona n'a kókanna bëe ke sennó ye fo k'u togola arajoso soro, k'a baarakelako nebabu u yere koro. Mögo suguya caman kéra arajolabaarakela ye nin cogo de la. O bora ni fen min ye, oyebaara karabakeli de ye, fo ka cogoya sor'a la, min ka surun a kécogo lakika la. O koro ye baara senfëdegeli ye, min n'a kalan te kelen ye, fo k'a nedon, k'a faamuya, k'a k'a kécogo la. O ye waatijanko de ye, arajotigiw bëe bë ka min nogoya u ka

baarakelaw bolo ni baarakalan cayali ye. Sanni ubëek'usago sorøbaarakela faamuyalenko la, u ka mögo minnu bë baara nedonbaliya bolo kan, olu dòw te se halisa, ka sebekow ni tulonkow fccogo don ka bëo nogon na arajola. Uye kumakow bëe ke mögów neñajeko n'u layeleko ye. Arajoko ma dabò donkiidakanw, folikanw ani kumabaw lamenni dörön kama. A dabòra soròkow ani dinelatigeko tòw bëe ikunnafonijensenni fana kama. Kumalasurunya la, arajoko dabòra nogonkunnafo, nogonbilasira ani nogon neñajé dekama. N'a bora foroba kunda arajow ni kenyereye kunda arajo saba dörön na, arajotòw bëe sebëdonnen bëfen minnu ma, o ye neñajeko, politikiko ani kumabafow ye, k'a jira u lamenbagaw la ko Mali kónó, mögo t'u ne dalateliya, nedonbaliya ani kumadonsoya la. A b'i k'u be nogondan de la, ka masor'u be k'u nemada nogon ma, ka nogon ladege, ka sor'ukelen si'ta don ko arajo kéra cogo o cogo, a mandiya n'a mangoya bëe b'a kumafòlaw ladamucogo numan de la, min kóson u b'a don ko tulon te sebësa, k'a bëe n'a fccogo n'a fowaati don. Politikiko kumaw ni neñajekow cayaliko jugu dugubaw arajo caman na, o y'olu arajow lamenni negebë mögo minnu na, o de bë ka caya don o don ka t'a fe. O arajow ni cikeduguw arajow ka jan nogon na, ka masor'o olu ka soròkow ni yiriwalikow anibonogolakow kumaw de ka ca n'a tòw ye. Nin bëe la, mögów sorola a kunben kénékan, Mali arajosow cayaliko jugu bëenna minnu ma. Olu k'o de bë ke sababu ye ka togodalamögó

caman boli teliya Kunfinya dibi la. Dōw ko Mali tun bē se ka dan arajaso kelen ma marabolo kelen bē kōnō. Mōgōw sōrōla fana, a ma bēn minnu ma. Olu ko k'a nōkankumaw ka ca, a yērelabenkow ka ca, a musakaw ka ca, k'olu nē b'a ko la, ka taa cogo min na, u dalen b'a la, k'a dōw bē dēsē sira la, k'o sababu k'a doni girinyali y'u ma. Arajosow cayali digilen bē mōgō minnu na, Mali kunnafonikow minisiri ye dō fara olu ka sōnja kan, a kelen k'a fōko san nataw kōnō, fangaso bēna arajoso kelen dayelé Mali komini 701 kelen-kelen bēsē kōnō. U ye kuma min sōr'o la k'a fō, o ye ko n'o bōr'a sira fē, Mali bē kē arajoforo ye. Otuma la, dō y'i kanto k'ale hakili b'a la ko peresidan Alifa Umaru konare y'a jira san dō la, k'ale tē se k'a fōko joyōrō ni barika ani nafa tē arajo la, ko dan tē arajo fanga la, nka, ko arajo doni ka girin, a gasilakow ka ca, baara b'a la, sēgen b'a la, waribō b'a la. O b'a jira ko Mali arajo «piriwew» bē sēgen kēnē min kan sisan, o ma bala jamana nēmōgōw la. Olu tun sigilen bē n'oye, ka masōr'ub'a dōnkoniarajosoko daminēcogo ma nē, n'oy'a sigili karabali ye, ka sōr'a kow bēsē jatew ma minē ma, a labancogo tē nē. O kōrō ye ko nin baara kologirin n'a nōgōnnaw karabali ye farati de ye, taalen nēfē, min bē fīnē bila baara kēcogow la, ka baarakelaw sēgen, k'olu ka sēgen fara baaratigiw ka sēgen kan, ka balan don baarako bēsē la. U ka baarakelaw ka kalosarawariko b'o balankow la, minnu ka ca dantigeli ma, ka masōrō soko b'a la, n'o ye baarakēyōrōko ye, kuranko, jiko telefōniko, bolifēnko ani baarakeminēnko suguya bēsē b'a la. A sabatira k'u ka baarakelaw sara man

ca, k'u bē kalo fila wali saba kē, ka sōr'u ma sara, k'o kōson, u bēsē kan falen bē juru la, u bēsē kēra kalabaanci, nanbaratow, natabaw, yuruguyurugu mōgōw ani surōfēminēlaw ye. U b'u dēn, ka wari minē mōgōw la, k'olu ka kōrōfōkanwōarajola. Owarijini suguya dusub'a bēsē kōnō kātēmē baara kan, ka masōr'u b'a dōn kōn'a bōra fangaso ka dēmēwarila, wari sōrōcogo wērēmin b'a arajotigiw bolo, o ye izinitigiw ni jagokelaw ka wari saralenw ye, u ka magonēfēnw mankululi kama arajo la, ani wari min bē sōrō «kominkew» la. A jirala kōn'i y'a ye Mali arajopiriwew bēsē lajelen ka «pibilisite» wari tē tēmē sefawari miliyōn 300 kan san kōnō, u tē se «pibilisite» kēcogo numan de la. O de kēra nafolotigiw mūrutikun ye, k'u t'u ka wari ta k'a don «pibilisite» la, u t'u sago sōrō min na. O b'a jira ko pibilisite tē kūfē baara ye, a fana bē kalan, i n'a fōarajolakuma ani kunnafoniw ninicogo, u sēbēncogo an'u lasecogo jama ma. Nin baarabolofaraw n'u nōgōnnaw fēn o fēn bē arajosow la, baarakela faamuyalen kōb'olu bēsē la, halini dōwta ka jugu ni dōw ye. Mōgō tē sōr'a arajoso kelen si kōnō, min faamuyalen bē Mali wolokanw sēbēnni n'u kalanni na, n'o ye bamanankan, fulakan, soninkekan n'a tōw ye. O cogo la, n'a fōra tuma o tuma ka faransikan sēbēnnē bayēlema bamanankan wali kan wērē la, o ye baara dabōlen de ye. Nka, u b'a bēsē nagami, ka kuma dōw sōrō k'olu fō, minnu t'a sēbēn kōnōkuma lakikaw ye, walasa k'u yērē sōrō. Arajotigiw bē nin kalama. Nka, u b'a jira ko kuma fōcogo bēsē ka fisa n'a fōbaliya ye. O kōrō ye k'u haminankō tē baara kēcogo ye, u

haminako ye wari sōrōcogo de ye, ka fōlōka baarakelawsara. Okama, utē se ka sigi, ub'u sen kan, su nitile, donkabō ni taanikasegin na, ka masōr'u b'a dōn kōni wari ma nini cogo wērē la, u nīyōrō min bē fangaso ka dēmēwari la, o tē laboli kē, ko hali n'o wari bēsē lajelen dira arajoso kelen ma, o t'o bō nōgō la. U ka arajosow sigicogo ma nē cogo o cogo, n'u ka bāra kēcogo tun ka ni, ni hali dēmēbagajolenwtun b'u kōkōrōjamana kōnō an'a kōkan, u tun tē sēgen u ka baarakelaw ka sarawari ninini na nin cogo la. A sabatira k'olu ka sarawari de ka dōgō n'u nōgōnnaw ka sarawari ye Afiriki jamana tōw bēsē kōnō. O misaliko sira kan, a jirala k'u ka baarakela minnu ye baara sēnfēdege ani minnuy'a kalan sanfēbolo kē farafinna wali farajela, olu ka kalosaraw b'a ta sefawari dōrōmē 5.000 la ka se dōrōmē 8.000 ma ka sōr'u nōgōnnaw minnu bē Senegali, olu taw b'a ta dōrōmē 30.000 la ka se dōrōmē 40.000 ma minnu bē Kōdiwari, olu taw b'a ta dōrōmē 40.000 na ka se dōrōmē 80.000 ma.

O kalosaraw dōgōyali n'u sōrōbaliya atuma la, o kēra sababu ye k'a baara negebō a nēdōnbaga minnu na, n'olu y'a kalan sanfēbolo kē, n'u faamuyalen b'a la cogo bēsē la, o de ka ca. Olu dōw nimisara, ka bōa baara la, k'o ka fisa ni yērlanōgōniyērēsēgen gansanye. Mali arajo «piriweko» bē nin bolo de kan sisan. O n'a taa bēsē, arajosow cayaliko la, Mali nōgōntē Afiriki kōnō. O t'a bēsē ye. U caman bē ka bo mōgōw jigi kōrō cogo min na, o laban ye tigēnsōnya ye, datuguli ka fisa ni min ye.

Mamadu Bineta
ani Amadu Gani Kante

Saralon Peresidan Tijani Kaba ka kamanagan

An be don min na, i ko bi, geleya minnu be Saralon jamana kono, u furaw ma noggon. A geleyaw be tali ke Fode Sanko ka koje la, ani dijne seleke naani ka tonba «ONU» ka cebow ani farafinna ka cebow n'olu ye «ECOMOG» sorodasiw ye, olu bennye ka kow lateme cogo min na, ani Fode Sanko ka banbaganciw ka kelebolo «RUF» miirinata.

Kokelen be yen, siga te min na; nin kojew si te se ka jenab Malif faaba "Bamako kofe, ben nali n'a sabatili la jamanadenw ni noggone. Okoson, Fode Sanko minnedon duguje yere, Liberiya Peresidan Sharili Teyilori cunna Mali dugukolo kan yan; a tonnogon «CEDEAO» jamana nemogow y'a ci, a ka na cogoya nini «ONU» sorodasi minenenw bilali kojew la. «CEDEAO» ye ton ye farafinna tilebinyanfan na min nesinnen don sorokow ma. Fode Sanko ka kelebolo ye «ONU» sorodasi caman min.

O la, Fode Sanko ye kasolamogo ye min be ka Firitawunu faamaw kamanagan. Firitawunu ye Saralon faaba ye. Hali n'o y'a soro Ameriki peresidan, Bili Kilitoni ka ciden y'a jira ko Fode Sanko ka ko ni «ONU» sorodasiw ka kojew man kan ka fo ka don noggon na. N'i ye nin kuma laje,



Peresidan Tijani Kaba ni Alifa Umaru Konare

kuma min fora Mali kono yan, tige yere la, kuma in be kolo kan, sabu Fode Sanko ma min k'a ye Lome benkanw soso; a mineli sababu ye mugu cili ye a ka sorodasiw fe, mogowla, maramafentun te mogo minnu bolo. Nka, kow taacogo la, ko noggont; sabu mogo si te sigi n'a ye ko Sanko kelekedenw te sorodasi minenenw bilali siri Sanko bilali la.

O koson, a ko ka kan ka laje ji nemajolen na. O ye Tijani Kaba yere hakililata ye; a

nana geleyaw cogoya laje Mali peresidan Alifa Umaru Konare fe, n'o be «CEDEAO» nemogoya la sisan; a kera arabadon, mekalo tile 17, san 2000. Tijani Kaba nakun tun ye ka laadilikanw soro Alifa fe, minnu be se k'a hakili sigi Fode Sanko ka ko la. A b'a don k'a ko te se ka jenab «CEDEAO» jamanaw miirinata ko. Olu de y'a n'a hakili jira noggon na, a k'a bolono bila benkanseben na, minkera sababu ye ka Sanko ka kelebolo «RVF» sago n'a dungo k'a ye; fodow k'a kodanma temena.

An be don min na i ko bi, tonba in b'a fe ka sorodasiw bila ka taa ben diyagoya sabati Saralon.

U t'a fe ka dan kobsili doron ma. Saralon peresidan Tijani Kaba ni minisiri fila tun be noggone: sariyakow minisiri ani nafolokow minisiri; depite do fana tun b'a nofe.

Base Jara
Badama Dukure

Sefawari miliyari 6 dira Mali ma Afiriki tilebinyanfan waribo «BOAD» fe

Juma temenen, mekalo tile 19, san 2000, Yayi Boni, n'o ye «BOAD» waribon nemogoye, min sigilen don farafinna tilebinyanfan jamanaw demeni kama, o ni Sumeyila Sise y'u bolono bila jurudonseben fila la. Sumeyila Sise ye minisiri ye, min nesinnen don minenkow, jamana laminilabenni, sigiyorokowanifaabaw labenni kojew ma. Jurudonseben folo be ben sefawari miliyari duuru, ani miliyon kemeduuru ma; o juru tara walasa ka Jono ni Marakala ce sira dilan; o janya ye kilometre 73 ye; nin waati in na, siraba in tineken don. Poroze in ka lajini ye ka do bo bolifenw labaarali musakaw la, ka bolifen keme saba bolili noggoya tile kono, ka poroze

sigiyo lamini senefenw laboli kojew noggoya ani ka taamalaw lafiya, k'u daamu sira in kan.

Jurudonseben filanan be ben sefawari miliyari kelen ni miliyon keme naani ma. Odabora Bamakosirabaw labenni kama, ani dugu yere lajeni baara kaman. Ka sirabaw laben ka ne, ka faaba ladiyan hadamadenw ni lafiyal kadara kono, ka bolifenw bolili noggoya ni siraba dow dilanni ye dugu lamini na, k'olu fara dugu cemance siraw kan; sabu cemance sirabaw bolifenkow geleyalen don bi.

Nin juru fila be Mali ni «BOAD» ce juruw ni deme nafolo bee lajelen ke sefawari miliyari biwolonwula ni segin animiliyon keme ni bisegin ni kononton, ani baa biduuru ni baa fila ye.

Bajiko kunnafofiw

Fo ka se san 2000, mekalo tile 19 ma, ofurance dogokun kono, Bajoliba ni Bani ni Faleme baw ye donnidamine. Ajirala k'o sababu bora sanjiw la, minnu nana jamana yoro caman na. Nka Bajoliba jiginna Moti dugumala la ani Senegali ni Bafin ni Bakoyi babolow. Selenge babil yoro de jiginni juguyara fo ka se santimetiri 5 ma tile kono.

San 2000, mekalotile 19, Bajoliba jiginna ka temesalon kanwaatikelen na Tumutu sanfela la ani Senegali ni Faleme babolow. Nka yoro tow la, baji hake cayara. Selenge ni Manantali babilii ji hake cayara ni salon ta ye ni metere 4 ani metere 1,5 ye.

Baw yelenne don fan bee ka teme san hake bere bennen lakodonne kan fo k'a bo Bani na, Duna yoro la.

Mogofaamuyalenw ka jatemine na, bajiw bennyele ka t'a fe a cogoya la. Nka babilii ji labilali bennya Bajoliba ni Senegali babolo lafa doonin ka teme korelen kan.

Merifurusiri bε ka sanga soro Burukina kono

Nin nōgōn ma deli ka ke Burukina Faso kono! San 1999, desanburukalo tēmenen tile 31, furusiri 205 bε de kera nōgōnfe Wagadugu méri do la, n'o bε wele ko «ATB» méri. «ATB» kuntigi Pōrosipéri KONPAWORE y'a jira ko furusiri ninnu tun te laadalatilen furusiri ye. Agintanw bε kera sariya sira la, méri ka yamaruya kono. Arōndisimanw méri ni kereciyen diine nemogow ni kunnafonidisow bε y'u niyōrō lase furusiri ninnu gintanw na. Furukelaw n'u seerew n'u somogow n'u teriw, mogō 6000 ni kō, olu bε lajelen ye jekulu furusiri in kene sankorota, min togodara ko «Benkan 2000».

Arizuma KUBA n'a furumuso GFNEBARA tun bε mogō furusilen kura sewalen ninnu cēma. U ye san 7 ke nōgōn kan, ka den fila sōrō, o kō ka t'u kan di nōgōn ma méri la. Arizuma ye «pōnpiye» tasumafagala ye. Forobabaarakela dōdon, minnu wajibiyalend don k'uka furusiri ke jamana sariya sira kan. A y'a jira ko hali ni wajibiyako te, olu tun bε «mariyazi siwili» ke, bawo a b'a fe a furumuso josariyaw bε ka lakodon a ye. A ko GENEBARA dōron t'ale furumuso ye. Muso wēre b'a bolo, a ye min fana furu méri la sariya hukumu kono. Musocamanfur dagalen don sariya la Burukina Faso kono. Arizuma muso kōro jenna ni GENEBARA ladonni y'a kan. Min ye GENEBARA yēre ye, nin furusiri y'a dusu suma kosebē, barisa a tun lakodōnnent a furuce somogown'a muso folofe, n'o y'a sinamuso ye. Nka «mariyazi siwili» y'a n'a sinamuso bε damakene josariyako la.

Kabinis san 1990, utikalo la, merilafurusiri ye nafa kuraw di musow ni denw ma Burukina kono. A folo, n'i furuce banna, musofiriyatō ka josariyaw bε bε lakodon a ye. U ka je tēna jate i ko namogoyaje min farati ka bon muso ma, bawo o la, a genniyeyorōninkelenkoye. Anafa filanan ye tijēko ye. N'o bε tila, muso n'a denw bε bε jate sariya la. Nafaba wēre min b'a kola, musofiriyatō se ka ke tijēmuso ye. Okōro ye k'a te se ka furu diyagoya la a ce kōro balimake dōma, dōcōy laada la, n'a ma diy'a yēre ye.

Merilafurusiri bε muso sen don du ko caman nēaboli la. Sariya te ce bolo ka denbaya bolofen wali magonfēn dō feere, k'a sōrō a m'a jen nini a furmuso fe.

An kerefe jamana caman kōnō, laada la, dukōnō fēnw bε bε furuce sagoya la. «Mariyazi siwili» bε josariya kelenw di furuso kono, namogodenw ni halaladenw bε ma, u kera ce wali muso denw ye. Merilafurusiri ye dutigiya bōsi ce la Burukina k'a ke bε bε jēfēn ye, nōgōnfaamuya ni bēn kōnō, KONPAWORE ka foli la. Jatemine jōnjōn te furusiritaw hake kan Burukina. Nka kabini «Benkan 2000» merilafurusiri weledara furugōnma fila sigiyōrōma 300 bε taara méri la. Furugōnma fila ka furusirisebenw labēnni waritunye sefawari 2000 yē nka furusiri gintanw nafolo tun bε t'i jo sefawari 3000 la. A ma ne, u ye dōbō furusiritaw hake la, n'o te u bε tun te se ka ke waati bolodalen kōnō méri fe.

O n'a taa bε, Zilibériti WATARA, n'o ye hadamadenya baarada mogō faamuyalen ye, o y'a jira ko merilafurusiri ka sīrasōrō te biko ye Burukina kono. Fen don, min bε waati kuntaalajan ta, k'o sababu bo a faamuyacogo la mogō fe, bawo burukinabe caman hakili la ko «mariyazi siwili» ye saratalaw ni fangaso forobabaarakelaw dōron de ta ye. Mogō caman hakili la fana k'a furusirisebenkow n'a gintanw dumunikow ni finikow te kun faantanw na. A bε san 4 bō Madamu WATARA n'a ka mogō bε yaala la

Burukina mara 6 dōron kōnō, jamara mume 45 cēma, ka mogōw sōn hakili la, k'u lafaamuya merilafurusiriko nafaw la. U ka taamaw bε ka ke mara 6 minnu kōnō, olu donnēn don n'u ka diyagoyafuru ye. Zilibériti y'a jira k'u ka baara in ye sanjikōrōwēsi ye togodaw de la kosebē. A k'u b'a nēf'u ye cogo bε la ko laadalafurusiri ni diinelafurusiritejosariya fosi d'u ma, barisa sēben yamarualen t'u la. Fen min don, muso b'i ko negeso, n'i y'a sojē ka sansebēn dilan i togo la, o y'a keli y'i ta ye. O tuma, o tigi dōron de sago b'a la. Madamu WATARA ko hali ni muso man kan ka da negeso ma nin yōrō la, u wajibiyalend k'akoterejuguya fō, barisa cikelaw bε nōgōn muso sojē, k'ukunnatiye nin cogo kelen na. Nka ni furusiriseben b'i n'i muso ce, ce o ce man'a tēgē d'o kan, sariya b'aw bo cōgō na, bawo i n'o muso masinna de ta ye nōgōt'ye Ala ni mōgoninfinwēnēna. Arizuma KUBA konafa laban min bε merifurusiri la, o ye tungafetaa ye, sanko Faransi ni Itali n'a nōgōnaw. A ko Boliyu mara la, n'o y'olu ka dugu ye Wagadugu woroduguyanfan na, u ka Itali ni Faransitunkarakew bε bε k'u cesiri furusiriseben nōfē, walasa u musow ka t'u segerē.

Eleni PERONI
Basiriki TURE

TULON

Nin dessen fila dilanbaga y'a dab'a kama, ka fili 10 k'u la. A'y'olu nini.



min bε kinifē dogodogo la. 9 - jiriboluw. 10 - jirisunin min bε numafe.
4 - Pomu minnu bε palanknd. 5 - Palan ja. 6 - Turuklaw. 7 - Daga. 8 - Kogo
1 - Jiriwjfn bε jiribolo kelen kān. 2 - Tasumamnez. 3 - Kalamne jukrjla.

jaabi

Kapiwéri Kunkorotara

Kapiwéri ye KUPU KABARALI tanko 16 nan yalon; a ye Senegali gosi : kelen ni fu; a kera Warizeya ntolatanyoro la, Paraya dugu kono, mèkalo tile 14, san 2000. Jamana bëe nisondiyara, sabu, nin y'a siñé fôl ye, u ka jamana lamini, n'o bë wele ko ARISHIPELI, n'o ye gunw ye, o lamini jamana si tun ma kupu in ta.

Nafa bëre te KUPU KABARALI la bawo nin jamana damado dòron de jëlen don a tanni na.

Nin kera ñenajeba ye gunw bëe kan; kerenkerennya la, parayakaw sir'u ñena, ka ñenajew ke fan bëe fe, k'u ka ntolatannawka se sankorota, ntolatannaw minnu ka degekaramogo ye Osikari Duwarite ye.

Jamana ñemaa yere tun be kene kan. A ma se abada k'a ka nisondiya dogo. A ko nin ye donba ye Kapiwérikaw bëe bolo. Nin ye don ye min be lakodon jamana ka ntolatan taariku kono. Peresidan in togo ye ko Antoniyo Masikaranasi.

Jama min nana ka zizinno n'a ntolatan ñogonw dëme ni tegere ni kumakanw ni majamukanw ye. Warizeya ntolatanyoro in na, o jama y'a nini ko mèkalo tile 14 ka ke don kerenkerennen ye jamana kono, baara te ke don min na, k'a k'i n'a fo yéremahoronya tadow n'u ñogon kobaw jamana kono. Kabini ntolatan banna k'a to to miniti kelen ye, jama ko ka mèkalo 14 ke segennabodon ye jamana kono.

K'a ta ntolatan damine na, fo ka t'a ban, miniti 90, jama jolen don, tiribini fan fila la, ka ntolatannaw dëme n'u sekobëe lajelen ye. A ma ne, laka tajininaw yelenn'u ka «ereporitazi» tabali kan, n'o y'u ka baarakelan ye, walasa, u ka se ka yeli ke. Tile kelen, sanni ntolatan ka damine, jikankurunba, «bato» do falen bora Mindelo, ka na ntolatan inkama. Lagineka jalati d'ka fo la, n'o ye Abudulu Salamu So ye, dugumogo ninnu de kera sababu ye ka se d'u ka ekipu ma, u ni lagineka ka ñogonkunben senfe, nin dara min kan. Kabin'o kera, u k'u be taa ekipu nofe Paraya. Biye feereyoro dayelela kabini «ñenzerc waati, ka laban k'u dayele ntolatant tolen lere kelen ye; biye desera. Kapiwéri do y'a jira k'ale ye lere fila jo, a ma biye soro, konka, n'a bora da oda fe, ale be biye soro, sabu, a dalen don a la ko Kapiwéri be kupu ta. Senegalika damado minnu tun be ntolatanyoro la, olu tununna

pewu jama cela, gunkanmogow ka burukanw fe.

Kene kan, a kolosira ko kapiwérika dòwtun be yen, minnu ma deli nin kow la; ni ntola tun ser'u ka joda la waati o waati, u b'u kunkolo miné, ka kule dewu !. Waati o waati, ntolatunbe Senegalintolatannaw bolo Kapiwéri ka joda la, npogotigininw tun be bin, walima u k'u dulon u tñogoninw bolow la.

Miniti 39 nan selen, mintebó kapiwérikaw kono abada, n'o ker'u ka dugawu jaabi tuma ye, ntolatanna ñanaba Zizinno ye ntola Iamunumunu senegalikaw ka ntolatannaw kerefé, k'a kori ka di bidonna ñana ma, jamana bëe lajelen jigi dalentun don ce kelen min kan, n'o ye Toni ye, o sinna ka ntola bila senegalikaw ka jo kono ten. Kabin'o kera, jama bëe jera k'a fo ko «Taka ENOSA», okoroyeko «Kupuk'er'an

ta ye»; ko «Obirigado Toni», o koro ye ko «Toni a barika»

Kabini arabitiri, jaratigébaa ye, file fiye ko ntola banna, ntolatannaw kene sinna ka fa mogow la, u n'u ka ñenajefenw, i n'a fo buuruw n'u ñogonaw. Degelikaramogo Osikari Duwarite ka ntolatannaw ye don damine.

Su negene mugan waati, jabaranin kumar'a kan kosebe. Ko «A taka kabarali XVI - 16e edisiyon», n'o ye Kabarali kupu tanko 16nan tun te se ka laban cogo numan wëre la, ni nin te, gunkanmogow fe. Bonya latemena laginekaw ma; o be tan san 2002.

Lagine minisiri min ñesinnen don denmisew ka koñew ma ani farikoloñenajekow n'o ye Abudeli Kaderi Sangare ye, o y'a jira ko san 2002 ñogonkunbenw be ke dugufila la: Konakiri ni Labe

**Solomani Bobo Tunkara
Badama Dukure**

Samataségew ye joyoro naaninan soro

Mali samataségew gosira Gine fe, fila ni fu. U gosira siñé fila, tile tan jate kono. A kunben fila bëe la, bi fila de donn'anw n'u ce, ka soro, Gine tun mankutura cogo min na, a tun te ten; sabu a desera ka Moritani gosi; o kera filaninbin ye : kelen ni kelen. O kofe, Kapiwéri y'a miné ka fila jalan k'a la, ani fu; o kera «demifinali» senfe, kupu yere tali ntolatan be da ntolatan min kan. Halini mogote jigin ntolatannawna kosebe

Jamana minnu ye KUPU KABARALI ta

San 1979 : Senegali
San 1980 : Senegali
San 1981 : Gine
San 1982 : Gine
San 1983 : Senegali
San 1984 : Senegali
San 1985 : Senegali
San 1986 : Senegali
San 1987 : Gine
San 1988 : Gine
San 1989 : Mali
San 1991 : Senegali
San 1993 : Saralon
San 1995 : Saralon
San 1997 : Mali
San 2000 : Kapiwéri

siga be samataségew ka «KABARALI» kupuko la. Madu Kulu ka cedenw ye kunbenko duuru de ke; u ye se soro kelen dòron de la : U ye Gine Bisawo gosi, saba ni fila. Lagine y'u bugo siñé fila. U ni Moritani ni Senegali ye filaninbin ke; fila ni fila, a kunben fila bëe la. N'u sera ka bi kononton don, u ye bi tan ni fila de ta; n'i y'o jateminé, u ka kunben kelen-kelen bëe la, bi minnu donn'u la, o ka ca ni fila ye.

**Madu Jara
Badama Dukure**

"AMAP" kuntigi Gawusu DARABO
Mali kanw kunnafonisëbenw baarada kuntigi Nanze Samake Kibaru
BP : 24 Telefoni: 21-21-04 Kibaru Bugufiyé Bozola Bamako -Mali
Dilanbagaw ni sëbenbagaw kuntigi Basiriki Ture Sëbenbagaw kuntigi Badama Dukure
Labugunyoro: Kibaru gafedilan baarada Bolen Hake 16 000